



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 483. Usque Ad Annum 561.

**Fleury, Claude**

**August. Vind. [u.a.], 1759**

**VD18 90117824**

§. 57. Episcopi Africæ ab exilio revocantur.

---

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

tia acceperunt. Huic S. Fulgentius nomine omnium respondit edito Tractatu ejusdem tituli, ubi quindecim Episcoporum Nomina conspiciuntur. In eo Tractatu S. Fulgentius Monachorum Scytharum Fidem approbat, verumtamen dicit, unam Personam de Trinitate id est Jesum Christum natum esse ex Virgine. Quod dici debere Monachi non concedebant, nam affirmabant, simpliciter dicendum esse: *Unus ex Trinitate, non autem, una Persona.* Secunda Tractatus Parte de Gratia agit contra Semipelagianos id est contra Faustum Rejensem, quem Monachi acriter impugnabant. Conjecturae locus est, Monachos hosce duos ipsius Constantinopoli ad S. Fulgentium transmisisse. Respondit editis septem libris, qui ad nos non pervenerunt, in quibus magis adnitebatur Doctrinam Catholicam explicare, quam Faustum convincere.

Saeculum VI.  
A.C. 523.

Ep. 17.

c. 10. c. 18.

c. 12. c. 13. &c

c. 28.

§. LVII.

*Episcopi Africae ab Exilio revocantur.*

Sanctus Fulgentius absoluto hoc labore etiam Exilii sui finem vidit, quippe Rex Trasamundus 28. Maji, anno 523. Maximo Consule, e vivis abiit, postquam annis 27. regnasset. Successorem ha-

Bb 2

buit

Sæculum VI. **b**uit Hildericum Filium Hunerici & Eudociæ Imperatoris Valentiniani Filiæ, **A. C 523.** quam Genfericus expilata Roma abduxerat. Trasamundus ab Hilderico iuramentum exegerat, quamdiu regnaret, non permissurum, ut Ecclesiæ Catholicorum aperirentur, aut ipsis Privilegia redderentur. Hildericus a perjurio liberum se fore putavit, si id ipsum fieri juberet, priusquam Regnum auspicaretur, id est, verisimiliter priusquam Trasamundus decessisset. Itaque ubi Regnum capessivit, Episcopos Catholicos revocavit, & aperiri iussit Ecclesias; at Religionem Catholicam non professus est. Adeo facilis huic Principis Indoles erat, ut desidiæ accusari posset. Regnavit annis septem, & tribus Mensibus. Reddita Ecclesiæ Africanæ Libertate, ubique Episcopos ordinari permisit. Carthagine electus est Eugenius vir eximie Doctrinæ. Ita in Africa liberum Religionis Catholicæ Exercitium reductum, ab annis sexaginta sex, ex quo Persecutio regnante Genferico anno 457. cœpta, interruptum.

*vit. S. Fulg.*  
c. 28.

c. 29.

Episcopos Exules Carthaginem revertentes Populus tanquam Jesu Christi Confessores excepit; at S. Fulgentio plus honoris exhibebatur, quem certamina

mina cum Hæreticis inita, cum ipsum <sup>Sæculum VI.</sup> ~~Trafamundus~~ <sup>A.C. 523.</sup> vocasset, ceteris magis ce-  
lebrem reddiderant. Expectans in lit-  
tore populus navem, unde demitteba-  
tur, observabat, utque apparuit vultus  
ejus, ortus est jucundissimus clamor, &  
in Dei laudes diversarum Nationum lin-  
guæ solutæ sunt. Ubi Episcopi terram  
contigerunt, ad Ecclesiam S. Agilei pro-  
cedere cœperunt, circumfusa ingenti  
populi partim præcedentis, partim se-  
quentis multitudine, & quia præ ceteris  
concurrentium impetu S. Fulgentius pul-  
sabat, nam quisque prior a S. Viro be-  
nedici gestiebat, viri aliqui prudentes  
suis corporibus ipsum texerunt, ne ni-  
mio calore opprimeretur, & incedenti  
via daretur. Decidente magno imbre  
tamen non est dilapsus populus, sed cum  
S. Fulgentius nudo capite incederet, no-  
bilissimi genere Casulas suas id est pallia  
super eum extenderunt. Postquam Car-  
thagine amicos suos invisisset, Ruspam  
urbem suam se contulit, quo in itinere  
admodum longo populi venienti obviam  
procedebant, lucernas, faces, arborum  
ramos portantes, agentesque Deo Gra-  
tias.

Primum opus, quod S. Fulgentius  
post reditum suum scripsit, fuere tres Li-  
bri de Prædestinatione & Gratia, ad Jo-  
annem

p. 434.

Bb 3

annem

Sæculum VI. annem Presbyterum, quem Maxentium  
 A. C. 523. esse credunt, & Venerium Diaconum  
 directi. Episcopi duodecim ex illis, qui  
 in Sardinia exulaverant, & Responsum  
 ad Petrum Diaconum dederant, alteram  
 scripserunt Epistolam de Gratia & Libe-  
 ro Arbitrio ad Joannem & Venerium  
 directam, ut Epistolæ, quam ab ipsis ac-  
 ceperant, responderent. Tandem sub  
 finem ipsos exhortantur, ut illos, qui  
 contrarias opiniones defendebant, do-  
 cerent, librosque S. Augustini ad Prospe-  
 rum, & Hilarium prælegerent.

ap. Fulg. ep.  
 15. to. 4.  
 Conc. p. 1591

## §. LVIII.

*Hormisdæ obitus. Joannes I.  
 Papa.*

**H**ormisdas Papa eodem anno JESU  
 Christi 523. Maximo Consule sexta  
 Aug. Pontificatus sui anno nono obiit. (\*)  
 Ipso

(\*) Nuncium ex Italia affertur, Sanctissimum  
 Patrem Nostrium Benedictum XIV. in Domino  
 obiisse 3. Maji hujus anni 1758.

Hujus Sanctissimi Papæ Rex Franciæ Lud. XV.  
 in Epistola ad Cardinales in Conclavi congregatos  
 16. Maji data meminit in hunc modum:  
*Magnus hic Papa atque sapientissimis maxi-  
 misque Doctoribus, qui unquam S. Petri Ca-  
 thedram*